


САМУРДИН

ссс

«Магъарамдхуьруьн район» МР-дин
общественно-политический газет.
Общественно-политическая газета
МР «Магарамкентский район».

ГОЛОС САМУРА

Газет 1951- йисалай акъатзава. № 25 (8178) киш, 27- май, 2023- йис. Къимет 6 манат



РД-дин здравоохранениедин министр - Магъарамдхуьруьн района

АЛАТАЙ гьафтеда, Магъарамдхуьруьн райондиз Дагъустан республикадин здравоохранениедин министр Татьяна Беляева мугъман хъана.

«Магъарамдхуьруьн район» МР-дин къил Фарид Агъмедова ва Татьяна Беляевади «Здравоохранение» милли проектдин сергъятра аваз, Чепелрин хуьре ФАП ачухунин яру лент шад гьалара атлана. Тебрикрилай гуьгъуьниз, республикадай атанвай мугъманри модульный пунктуни кьене патар ахтармишна. Здравоохранениедин министрди кьейд авурвал, персоналдиз

къвалахдай ва агъалийриз медицинадин рекъай къуллугъ ийидай вири шартлар тешкилнава.

Рикел хкин, ФАП эцигдай майдан 2021- йисан декабрдиз тестикъарнай, са шумуд вацралай, яни 2022- йисан мартдиз модульный пункт эцигнай. 2023- йисуз эцигунар тамамвилелди акъалтларна ва къвалах башламишун патал лазим алатралди тадаракламишна. ФАП-дин дараматда смотровой ва процедурно-прививочный кабинетар, духтур гуьзетзавай чка, санузел ва персоналдиз парталар дегшардай чка ава.

ФАП ачухайдалай гуьгъуьниз здравоохранениедин министрди райцентрдал алай больни-

цадин ва поликлиникадин дараматрин, къвалахдин гьал ахтармишна ва выездной гегьенш заседание киле тухвана. Заседаниедин къвалахда, Кьиблепатан Дагъустандин медицинадин организацирин руководителри, Магъарамдхуьруьн ЦРБ-дин коллективди ва и хиле зегьмет члугвазвай хейлин работникри иштиракна. Повесткадал алай, Магъарамдхуьруьн райондин агъалийриз медицинадин рекъай ийизвай къуллугъдин ва ам генани хъсанарунин гьакъиндай месэладал гегьеншдиз акъвазна.



РД-дин здравоохранениедин министр - Магъарамдхуьруьн районда

1 ←

Фарид Загъидиновича къейд авурвал, чаз къенин юкьюз медицинадин рекъяй

агъалийриз ийизвай къуллугъ-дин гъакъиндай са къадар месэлайр веревирдай мумкинвал ава. Къилди къейд ийиз

кланзава, МР- дин администрацияди чкадин ЦРБ- дихъ галаз сигъ алакъада аваз тешкилла къвалах тухузва. Гъелбетда, къенин заседаниедал къарагъарнавай са къадар месэлайри пешекарвилелди эгечлун тlалабзава. Тухузвай къвалахдиз хейлин йисара и хиле зегъмет чlугвазвай пешекарри къимет гайила чавай нетижаарни къаз жада. Медицинадин идарайрин къвалахдиз анализ гуни, медицинадин рекъяй агъалийриз ийизвай къуллугърин гъар жуьре къалурунрин учет тухудай мумкинвал гузва.

Заседаниедал са жерге месэлайрни веревирдна. Республикадин здравоохранениедин министрди заседаниедал къарагъарнавай месэлайрин нетижаар къуна.

Эхирдай МР- дин Къил Фарид Агъмедова, райондин агъалияр патал ихтин важиблу объект тир ФАП ачухуник пай кутур республикадин здравоохранениедин министрди ва заседаниедин вири иштиракчийриз чухсагъул малумарна.

Р. ГЪАЖИЕВАН шикилар.





ЭХИРИМЖИ ЗЕНГ

23 –МАЙДИЗ, 11 йис идалай вилик сифте яз школада партайрихъ ацукъай аялри школа акъалтларна. Магъарамдхуруён М. Гъажиеван тIварунихъ галай школадин еке гъаят гилера цуьквер, жуьреба- жуьре рангарин шарар авай аялрай ацланвай. Мярекатда аялрини малимри хъиз, диде-бубайри, мукъва-кылийри, мугъманри ва администрациядин векилри иштиракна. И шадвилини линейка школадин ученикар тир Гъажимурадова Мадинади ва Кадыров Мурада кыиле тухвана. Линейка сифте гаф рахуналди, школадин директор Рагъимханов Эдуарда ачухна.

-Эхиримжи зенгини ван авур къенин югъ куь уьмуьрдин лишанлу йикъарикай сад я,- лагъана микрофондихъ атай школадин директорди,- диде- бубайрихъ, малимрихъ галаз санал куьне образованиедин сифте девир кечирмишна. Гила куь вилик гегъенш рекьер ачух жезва. Абурукай гъим хядатла, квелай аслу я. Заз куьне экзаменар агалкъунралди вахкана, куьн вузрик, колледжрик экечIна кланзава. Куьне вахузвай экзаменра квез еке агалкъунар хъурай,- лагъана Эдуард малимди. Ахпа линейкадал школадин гъвечли классрин завуч Марият Загъидиновна рахана. Ада вичин рахунра, школа акъалтларзавайбуруз чIехи уьмуьрдиз къачузвай камар мягкъембур ва гележег

→ 4





3 ←

авайбур хъун вичин мурад тир-ди лагъана. Шадвиллин линейкадал школада лап хъсан къиметралди клелай ва олимпиадайра агалкъунралди иштирак-ай аялриз грамотаяр гана. Линейкадал кватI хъанвай, цI сад лагъай класс куътягъзавай аялрини, 11- класс акъалтIарзавай жегъилри илла-ки фикир чпел желбзавай. 11-класс куътягъзавайбуру чух-сагъул малумарна ва аялриз пишкешар гана. Малимри абур-уз несигъатар гузвай. Уъмуьрдин шегъредал сифте камар къачузвай рушарни гадаяр 11 йис идалай вилик чпин диде-бубайрин гъилер къуна школа-диз атайбур тир. Къе абур патал эхиримжи зенг ядай вахт-ни атанва. Алай йисуз вири санлай выпускникрин къадар вишелай алатнава. Выпускник-рик са гъихътин ятлани къала-булук ква. Вучиз лагъайтIа абур-у гъеле экзаменар вахканвач. ИкI, 25- майдиз выпускникри Гъукуматдин сад тир экзамен вахкуда . Къуй вири выпуск-никривай имтигъанар лап хъсандиз вахкуз хъана чпин рикIе авай мурадлив агакърай. 11- классдин ученица Эсли Асалиевадини ва 1- классдин ученик Велибеков Султанбега эхиримжи зенг яна. Школа акъалтIарзавайбуру гъвечIи аялриз пишкешар гана. Шадвил-лер яргъалди давам хъана.

Гъуьрметлу выпускникар зазни чи «Самурдин сес» газет-дин коллективдин патай квез и

ЭХИРИМЖИ ЗЕНГ



гуъзел югъ мубарак ийиз кланзава. Квекай гъар садакай чи район, гъакIни республика патал лазим инсанар жкатрай. Куьне школа ва тарс гайи малимар рикIелай алуд-мир. Куьн вири куь рикIе авай му-радлив агакърай. Эхиримжи зен-

гиниз талукъарнавай шадвиллин линейкаяр райондин вири хуьре-ра тешкиллувилелди къиле фена.

ЖАННА.

Риклел аламукъдай линейка



ЭХИРИМЖИ вахтара пайда хъанвай ЕГЭ-рин ва ОГЭ-рин экзаменри чи уьмуьрда кьетлен чка кьунва. Гьабуроз килигна, адетдилай элячйна, эхиримжи зенгинин шадвилерни райондин вири школайра 23-майдин кьиле фена.

Советск хуьруьн юкьван школадин шад линейка сифтегъан классрин школадин гьаятда кьиле фена. Сятдин муьжудалай башламишна кьуд патахь чклизвай музыкадин сесини суварин гьакъиндай хабар гузвай. Гуьрчег цуькведин клунчлар гьиле аваз, чебни цуьквер хьиз аялар, дамахдив-

ди абурун гьил кьунвай диде-бубаяр школадин гьаятдин ахмиш хьана. Безетмишнавай школадин бахчада абуру суварин шадвилер гуьзетзавай.

Тебрикдин гаф рахуналди и шад линейка ачухай школадин тешкилатчи Заидат Ибрагьимовади суварин килин иштиракчияр тир цусад ва сад лагъай класс акъалтларзавай аялриз музыкадалди майдандал теклифна.

Ахпа и шад линейкадал рахай школадин директор Ренат Мамедгьусейнова, тербиядин рекъай директордин заместитель Фейзуллагъ Гьажимурадо-

ва, хуьруьн администрациядин кьил Эмирагъа Асварова, Дагъустан республикадин халкъдин Собраниедин депутат Мусафенди Велимурадова, школа акъалтларзавай классдин руководитель Эльмира Пашаевади, сифтегъан малимри ва диде-бубайри аялриз и важиблу вакъиа мубаракна ва члехи уьмуьрдиз кьачузвай камар мягкем, хъсан гележег авайбур хьун, абур чпин рикле авай мурадлив агакьун чпин мурад тирди лагъана.

Аялрин бахчайрин тербиячийри, школадин аялри клелай шиирри, кьалурай сегънейри, Фархад Абдурахманова ва «Нарын-Къала» кьуьлерин дестеди тамамарай манийри ва кьуьлери мяреккат мадни гурлу авуна.

Школа агалкъунралди акъалтларзавай аялар тир Амина Гьажимурадовади, Милана Султановади ва Раида Султановади сад лагъай классдин аялрин гьилер кьуна эхиримжи зенг ягъиз туна. Эхирдай риклел аламукъдай шикилар яна ва пишкешар гана. Суварин шадвилер яргалди давам хьана.

А.АЙДЕМИРОВА.



28 МАЯ ДЕНЬ ПОГРАНИЧНИКА



ОХРАНА государственных рубежей всегда была и остается почетным и очень ответственным делом. На протяжении веков пограничники первыми давали отпор врагу, решительно отражали все посягательства на целостность и независимость Родины. Сегодня обеспечение безопасности на границе связано с решением целого комплекса новых непростых задач, таких как борьба с терроризмом и нелегальной миграцией, противодействие наркобизнесу и контрабанде в этом отношении наш район является стратегически важным регионом.

Я поздравляю всех воинов-пограничников с их профессиональным праздником и желаем мирного неба над головой и успехов в службе.

Уверены, что воины в зеленых фуражках, несущие службу на территории нашего района, будут и впредь достойно выполнять свой служебный долг и, проявляя высочайшую бдительность, мужество, профессионализм, надежно охранять спокойствие и безопасность граждан.

**АХМЕДОВ Фарид Загидинович,
Глава Администрации МР
«Магарамкентский район».**

АДЕТ ТИРВАЛ, гъар йи-
суз цІаяр къунин хата-
лувал артух жезва.
ХъуьтІуькай хкатнавай
салар, багълар, къурух-
рин уьруьшар къурай ве-
къикай, зир-зибилдикай
михьиз цІаяр язава. Та-
марин къерехрив къуру-
хар гвай ксарин мукъа-
ятсузвилини нетижада шу-
мудни са сеферда тамари
цІаяр къур дуьшуьшар
малум я. Ихътин цІаяр
къунар мукъвал-мукъвал
Ярагърин, Целегуьнрин,
Магъарамдхуьруьн, Къуй-
сунрин ва Гилийрин та-
мара дуьшуьш жезва.
Тіебиатдалфейи инсанри
цІаяр хъийизва, цІай
туьхуьр тавунвай
пІапІрусрин къатІар га-
дарзава. ЦІаяр хаталу
чкайрал авуни, абур та-
мамвилелди хкадар таву-
ни, са гафуналди чи мукъ-
аятсузвили еке зиянар
арадал гъизва. Тамун

патарив гвай хуьрерин
агъалияр, абурун кІвалер
хаталувилик акатзава.

Магъарамдхуьруьн лес-
ничестводи къуд район-
дин тамарал гуьзчивал
тухузва ва абурухъ гел-
къевезва. Участокда цІай
къур дуьшуьшра гъасятда

ХАТАЛУВАЛ АРТУХ ЖЕЗВА

райондин лесничестводиз
хабар агакъарзава. Лес-
ничестводихъ яд авай
машин ва цІай хкадарун
патал герек тир вири
алатар ва тадаракар ава.
Чна гъар йисуз хуьрерин
администрацийрин къиле-
рихъ галаз договорар
кутІунзава. Абурухъ га-
лаз сигъ алакъаяр хуьз
алахъзава. ЦІаяр къур
дуьшуьшра чаз гъабуру,

хуьрерин агъалийри куь-
мекар гузва. Чи къуват
агакъ тийизвайла чна
республикада авай по-
жарный центрдай куьмек-
диз эверзава. ГъакІни,
общественный противопо-
жарный бригадаярни кар-
дик ква.

Мад сеферда чахъ са
тІалабун ава. Гъаваяр
чими хъуникди, хъач,
цири кІватІадайдени, ял
ядайдени гъаф жезва- им
адет я. ЦІай кутунвай
зир-зибил кана алахъ-
далди гуьзчивал авун,
хъувунвай цІай герек
амачирла тамамвилелди
туьхуьрун, цІай квай
пІапІрусар гадар тавун
инсанривай тІалабзавай
истемишунар я.

ТІалабда цІай къуна
акур дуьшуьшра тади
гъалда агъадихъ ганвай
нумрадиз зенг авуна
хабар гун;

8928- 878- 25-24.

ИНТЕРВЬЮ

ТУРИЗМ ЧИ РАЙОНДА

2023- ЙИСАН туриствилин, отпускайрин ва аялрин каникулрин вахт башламиш жезва. Гъаниз килигна, зун Магъарамдхуруён районда авай «Жегъилрин крарин ва туризмдин рекъай от-дел МКУ-дин директор Фарид Бадрудиновичан патав фена, ва чи районда туризмдин кваллах тешкилнавай гъалдин гъакъиндай суьгъбет авун тлалабна.



-ФАРИД Бадрудинович чи райондиз хквезвай мугъманар, къвезвай туристар патал куьне гъихътин кваллах кыле тухузватла чи газет келзавайбуруз кве ихтилат авуртла жедани?

-Гълбетда, чна райондиз къвезвай мугъманар, туристар патал лап хъсан шартлар арадал гъанва ва мадни гъиз алахънава. Мукъвара районда генани туристар патал са цийивал жеда, абур къабулдай мугъманхана эцигуни кваллахар акъалтарнава. Ам эцигуни махсус проектни авай. Гъукуматдин комиссиядин экспертри ам хъсанди яз гъисабна, къабулнава. Мугъманхана Советск хуьре ахъайзава. И проект патал 1200 кв.м. чилни чара авунва. И мукъвара гъа ихътин мугъманхана Чах-чах къазмайрални ахъагъун пландик ква.

Отпускайрин вахтунда чпин вахт менфятлудаказ кечирмишунихъ, ял ягъунихъ, чпин сагъламвал мягъкемар хъувунихъ еке метлеб ава. Шадвал кутадай кар ам я хъи, Магъарамдхуруён райондин Приморск хуьр югъ-йикъалай ге-

гъенш, авадан жезва, ял ядай туристар, хтанвай мугъманар патални игътияжлу макандиз элкъвенва. Аниз гъар йисуз Вирироссиядин шегъеррай агъзурралди ял ядай туристар къвезва, чпин сагъламвал мягъкемарзава.

Ял ядай квалер лап гуьзел чкадал ала: къуд пад тамар, та-мукай рахайтла аниз фейи гъар са кас гъейран жеда, яру ктабдани гъатнавай гзаф жуьрейрин набататар гъалтда, виш йисарин къавахрин, мегъуьн, макъун тарари, абуру гузвай цлару серинри, михъи гъавади, шуршу ацалтна авахъзавай къайи къарасуйри, тарарал аруш жедай къуд пад къацу лианайри къвезвай туристар гъейранарзава.

Ял ядай квалерикай рахайтла, ина туристриз яшамихъ жедай, къулай шартлар яратмишнава, къаткидай кве мертебадин дараматар ава. Ана 40 кас къабулдай мумкинвал ава. Идалайни гъейри, общественный тлуьнрин идараяр, ресторана, кафе-барар ава.

Приморск ял ягъун патал хъянавай виридалайни машгъур чка хъанва туристриз. Ина

авай къулай шартлариз килигна иниз къвезвай мугъманрин, туристрин къадарни йис-йисандалай артух жезва. Шаз чи райондиз 32 агъзур туристар атанвай. Алай йисуз абурун къадар мадни пара жеда. Эхиримжи вахтара районда «Увлекательное путешествие в Магарамкентском районе» твар ганвай маршрутни кардик кутунва. Районда туризм вилик тухун патал вири къуватар желб ийизва. Туристар патал жуьреба-жуьре терефрин экскурсияр тухузва. Гарагърин сад лагъай поселение туристрин маршрутдик кутунва. «Великий шелковый путь» твар ганвай еке проект ава.

-Фарид Бадрудинович аялрин каникулрин вахт мукъвал хъуниз килигна чаз абур патал гъихътин ял ядай мумкинвилер аватла чир хъанайтла хъсан жедай.

-Шадвал кутадай кар ам я хъи, чи Магъарамдхуруён районда аялриз ял ядай «Приморский» лагерь кардик кваз гзаф йисар я. Лугъун герек я, лагерь тлебиатдин лап гуьзел чкадал ала. Ам гуьлуьн патав, тамун юкъвал ала. Ина школьникриз яшамихъ жедай, ял ядай къулай шартлар яратмишнава, ксудай кве мертебадин дарамат, спортдин майданар, столовая, медпункт кардик ква.

Алай вахтунда муниципалитетди «Магарамкентский район» территорияда туризм вилик тухун твар ганвай программа килиз акъудзава. А программадин сергъятра аваз мугъманханайрин, ресторани, туриствилин маршрутрин, экскурсийрин сад тир база арадал гъанва.

«ЯНДЕКС-КАРТЫ», «ГУГЛ-КАРТЫ» ва ибурулай гъейри социальный сетда «истограм Туризм Магарамкент» кардик ква. Алатай йисалай Чахчал туристар патал информационный центри кардик кутунва.

-Суьгъбет авунай чухсагъул, Фарид Бадрудинович.

- Куьнни сагърай.

ЖАННА.

СПОРТ

МИНИ ФУТБОЛДАЙ ТУРНИР



АЛАТАЙ базар юкбуз, Советск хуьруьн цийиз ачухнавай футболдин майдандал, Ватандин чйехи дяведин ветеран, хуьр аваданламишуник лайихлу пай кутур хуьруьнви Абдулхаликов Шамил Абдулхаликовичан гъуьрметдай мини футболдай турнир кыле тухвана. Турнирда хуьрерай атанвай ирид команди яни 2011-2012- йисара хъанвай аялри иштиракна.

Къызгъиндиз кыле фейи акъажунра Советск хуьруьн команда 1- чка-

диз, Гъепцегаьр 2- чкадиз ва Къуйсун 3- чкадиз лайихлу хъана.

Тебрикдин гаф рахай гъалибчи командадин тренер Ремзи Къарибова, хуьруьн администрациядин кыл Эмирагъа Асварова, рагъметлудан хва Абдулхалик Абдулхаликова, хтул Рагъим Абдулхаликова акъалтзавай несилдин фикир спортдал желбавунин, и карда тренериз ва абурун тербиячийриз куьмек гунин важиблувилай гегъеншдиз лагъана. Ахпа гъалибчийриз ва призерриз кубо-

кар, Гъуьрметдин грамотаяр ва медалар гана. Гъакъни, Рагъим Абдулхаликова Советск хуьруьн командадиз багъа кве туп багъишна ва турнирдин иштиракчийриз суфраяр къурмишна.

А. Абдулхаликова къейд авурвал, Ш. Абдулхаликован гъуьрметдай тухузвай и турнир адетдиз элкъуьрна гъар йисуз тухуз ва призрин фонд генани гегъеншариз алахъда.

А. АЙДЕМИРОВА.

Кылин редактор
Р.Н. АБДУРАГЫМОВ.

Редакциядин адрес:
368780. РД, Магъарамдхуьруьн район, Магъарамдхуьр, Ленинан куьче, 4.

Газет гъафтеда садра акъатзава.

Телефонар: редактор- 25-1-37, жавабдар секретарь - 25-1-39, бухгалтер-25-9-69.

Учредитель: Администрация муниципального района «Магарамкентский район».

Адрес: 368780. РД, Магъарамдхуьруьн район, Магъарамдхуьр, Гагаринан куьче, 2.

Газета «Самурдин сес» (Голос Самура) зарегистрирована
Управлением
Роскомнадзора по РД.

Чап ийиз вахкудай вахт - 16.00.
Чапун патал къул члугуна- 15.00.

Газетдин регистрацыйн нумра- ПИ № ТУ05 - 00438.

Газет ООО «Самур» типографияда гъазурна ва гъана чапна. Типографиядин ва издателдин адрес: 368780. РД, Магъарамдхуьруьн район, Магъарамдхуьр, Ленинан куьче, 4. Лезги чап.
Индекс 63340. Тираж 1400
Заказ № 25.

6+